

〔宋〕邵雍 著 郭彧 于天寶 點校

邵雍全集

〔宋〕邵雍 著
郭彧 于天寶 點校

邵雍全集

貳

上海古籍出版社

皇極經世卷第六

以運經世之七 觀物篇之三十一

經元之甲一

經會之午七

經運之己一百八十六

經世之子二千二百二十一

經世之子二千二百二十一

甲子「前_レ1171年」周威烈王九年，魏城少梁。

乙丑「前_レ1160年」秦靈公卒，季父立，是謂簡公。

丙寅

丁卯「前_レ1154年」魏伐秦。韓伐鄭。

戊辰「前_レ1153年」齊伐晉。魏伐中山。

己巳

庚午〔前412年〕齊田莊子卒，子太公和繼。趙城平城。

辛未〔前410年〕魯元公卒，子顯繼，是謂穆公。

壬申〔前409年〕晉韓武子卒，子景侯度繼。趙獻子卒，子烈侯藉繼。魏伐秦。

癸酉〔前408年〕韓伐鄭，取雍丘。魏滅中山。楚簡王卒，子當繼，是謂聲王。

甲戌〔前407年〕鄭伐韓，取負黍。

乙亥〔前406年〕宋昭公卒，子悼公購繼。趙以白公仲爲相。①

丙子〔前405年〕齊宣公卒，子康公貸繼，田會以廩丘叛。②

丁丑

戊寅〔前403年〕晉韓、趙、魏求爲諸侯于周。

己卯〔前402年〕周威烈王崩，太子驕嗣位，是謂安王。楚聲王遇盜卒，子疑立，是謂悼王。

庚辰〔前401年〕秦攻魏陽狐。③

辛巳〔前400年〕秦簡公卒，子惠公繼。韓景侯卒，子烈侯繼。趙烈侯卒，弟武侯立。魏文侯以

① 「白」，四庫本作「田」。

② 「廩丘」，原作「廩兵」，據四庫本改。

③ 「陽狐」，原作「陽孤」，據四庫本改。

卜子夏、段干木爲師，西門豹爲將守鄴，吳起爲將守西河，魏成子爲相，^①樂羊爲將，同韓、趙伐楚，^②至于乘丘。

壬午

癸未

甲申〔前397年〕韓，盜殺相俠累。

乙酉

丙戌〔前395年〕晉烈公卒，子孝公繼。

丁亥

戊子〔前393年〕魏伐鄭，城酸棗，又敗秦軍于注。^③楚伐韓，取負黍。

己丑

庚寅〔前391年〕齊田和徙其君康公于海上，食一城。秦伐韓宜陽，取六邑。^④韓、趙大敗楚師于

大梁。

① 「魏」，四庫本作「田」。

② 「伐」，底本原作「代」，據四庫本改。

③ 「于」，底本不清楚，據四庫本補。

④ 「六邑」，四庫本作「拔六城」。

辛卯〔前390年〕魯伐齊于平陸。①齊伐魏，取襄陵。

壬辰〔前389年〕秦伐魏陰晉。②

癸巳〔前388年〕齊田和會魏文侯于濁澤，求爲諸侯。魏請于周及諸侯，皆許之。

經世之丑二千二百二十二

甲午〔前387年〕周安王十五年。秦惠公卒，子出公繼。③韓烈侯卒，子文侯繼。魏文侯卒，子武

侯繼。趙武侯卒，烈侯子敬侯繼。④

乙未〔前386年〕田和稱諸侯于齊，列于周紀。魏攻趙邯鄲。

丙申〔前385年〕韓伐鄭，取陽城，伐宋，執宋公于彭城。魏城安邑及王垣。趙破齊師于靈丘。⑤

齊太公和卒，子桓公午繼。秦庶長改殺出公及其母，⑥迎靈公之子于河西，⑦立之，是謂

獻公。

①「伐」，四庫本作「敗」。

②「陰」，四庫本作「侵」。

③「子出公」，四庫本作「出子悼公」。

④「烈侯」，據四庫本補。

⑤四庫本無「師」字。

⑥「公」，四庫本作「子」。

⑦「河西」，「西」原作「上」，據四庫本改。

丁酉〔前384年〕趙破齊師于廩丘。

戊戌〔前383年〕魏敗趙師于兔臺。

己亥〔前382年〕齊、魏以衛伐趙，取剛平。

庚子〔前381年〕趙會楚伐魏，取棘蒲。楚悼王卒，宗室作亂，殺吳起，^①王子繼，是謂肅王，^②誅害

吳起者七十餘家。^③

辛丑〔前380年〕齊伐燕，取桑丘。

壬寅〔前379年〕齊桓公死于海上。齊桓侯卒，子因齊立，是謂威王。

癸卯〔前378年〕晉孝公卒，子靜公俱酒繼。韓、趙、魏伐齊，至于靈丘。

甲辰〔前377年〕韓文侯卒，子哀侯繼。趙攻中山，戰于房子。魯穆公卒，子共公繼。

乙巳〔前376年〕周安王崩，太子喜嗣位，是謂烈王。魏武侯、韓哀侯、趙敬侯同滅晉而三分其地，

以靜公爲家人，食端氏一城。

丙午〔前375年〕韓滅鄭，徙都之。趙敬侯卒，子成侯繼。宋休公卒，子辟公繼。

丁未

① 「宗室作亂殺吳起」，四庫本作「盜殺相吳起」。

② 「肅王」，「肅」原作「簡」，據四庫本改。

③ 「七十餘」，原作「十七」，據四庫本改。

戊申〔前373年〕魯伐齊，入陽關。趙伐齊，至博陵。

己酉〔前372年〕魏拔齊薛陵，攻趙北藺。趙拔衛鄉邑七十三。^①宋辟公卒，子剔成繼。

庚戌〔前371年〕韓嚴弑其君哀侯，立其子懿侯。魏武侯卒，公子爭國，趙伐魏，立公子瑩，是謂惠王。趙敗秦軍于郟安。

辛亥〔前370年〕趙伐齊取甄，^②魏敗趙師于覃懷。齊威王烹阿大夫，封即墨大夫萬家。楚肅王卒，弟良夫繼，是謂宣王。

壬子〔前369年〕周烈王崩，弟扁嗣位，是謂顯王。齊西敗趙、魏之師于濁澤。趙輸長城。^③魏入觀齊。魏敗韓師于馬陵。

癸丑〔前368年〕韓、魏及周一。^④

甲寅〔前367年〕趙、韓分周爲二。

乙卯〔前366年〕魏會趙攻秦，不利于宅陽。^⑤

①「衛」，原作「魏」，四庫本同，據《史記》卷四三《趙世家》改。

②「取甄」，四庫本作「至鄆」。

③「輸長城」三字原脫，據四庫本補。

④「及周一」，四庫本作「攻周」。

⑤「宅」，四庫本作「洛」。

丙辰〔前365年〕齊攻秦，不利于石門。魏伐宋，取儀臺。

丁巳〔前364年〕周顯王西賀秦獻公。魏與秦會于杜平。

戊午

己未〔前362年〕秦獻公卒，子孝公繼，敗魏師于少梁。魏敗韓師于澮。

庚申〔前361年〕魏拔趙皮牢。

辛酉〔前360年〕周致文武胙于秦孝公。①東周君惠公卒，子傑繼。韓、趙、魏伐齊。

壬戌〔前359年〕秦用衛鞅。韓懿侯卒，子昭侯繼。

癸亥

經世之寅二千二百二十三

甲子〔前357年〕周顯王十二年。宋取韓黃池。齊封騶忌爲成侯。

乙丑〔前356年〕趙會燕于河上，會齊于平陸。魯、衛、宋、鄭朝魏。

丙寅〔前355年〕魯共公卒，子康公繼。齊會趙于郊，會魏于平陸，會秦于杜平。

丁卯〔前354年〕秦敗魏師于元里，取少梁。魏圍趙邯鄲。

① 四庫本無「周」字。

戊辰〔前353年〕韓攻東周君，取陵觀及邢丘。齊田忌、孫臏救趙，敗魏師于桂陵。①是年，齊始稱王。

己巳〔前352年〕秦大良造衛鞅會韓、趙之師圍魏襄陵。

庚午〔前351年〕韓用申不害爲相。秦、趙伐魏，魏歸趙邯鄲，盟于漳水之上。

辛未〔前350年〕趙成侯卒，世子繼，是謂肅侯。秦開阡陌，大築冀闕于咸陽，②自雍徙都之。

壬申

癸酉〔前348年〕趙奪晉君端氏，徙之屯留。秦初爲賦。

甲戌

乙亥〔前346年〕魯康公卒，子景公繼。

丙子

丁丑

戊寅〔前343年〕周顯王錫秦孝公，命爲伯。齊威王卒，子宣王辟彊繼。

己卯〔前342年〕諸侯西賀秦。

① 四庫本無「師」字。

② 「冀闕」，「闕」原作「室」，據四庫本改。

庚辰〔前341年〕齊救韓、趙，^①田忌、田嬰、孫臏大敗魏師于馬陵，獲將龐涓及世子申。

辛巳〔前340年〕楚宣王卒，子威王繼。秦奪魏河西七百里。魏去安邑，徙都大梁。

壬午

癸未〔前338年〕秦孝公卒，子惠文君繼，是謂惠王。商鞅奔魏，魏不受，復入于秦。^②

甲申〔前337年〕秦惠文君夷商鞅族。蘇秦入秦，不受。^③

乙酉〔前336年〕周顯王西賀秦。孟軻爲魏卿。

丙戌〔前335年〕秦拔韓宜陽。魏惠王卒，子襄王繼。齊宣王會魏襄王于鄆。

丁亥〔前334年〕蘇秦會趙、燕、韓、魏、齊、楚六國之師，盟于洹水之上以攻秦，至于函谷。韓作高門。是年，楚滅越，獲其王無彊，盡取其地，東開地至浙江。魏始稱王。齊田嬰爲相。^④

戊子〔前333年〕燕文公卒，子易王立。韓昭侯卒，子惠王立。楚敗齊師于徐州。齊田嬰詐楚，故不利。

己丑〔前332年〕齊會魏伐趙，又伐燕，取十城。

① 「齊」後，四庫本有「人」字。四庫本無「趙」字。

② 四庫本無「復」字。

③ 「不」前，四庫本有「秦」。

④ 四庫本無「齊」字。

庚寅〔前331年〕秦伐魏。

辛卯〔前330年〕宋亂，公弟偃弑其君，代立，是謂元王。

壬辰〔前329年〕楚威王卒，子懷王槐繼。魏伐楚，取涇山。秦伐魏，取汾陰。

癸巳〔前328年〕秦用張儀爲相。陳軫適楚。楚滅蜀。魏輸秦上郡。

經世之卯二千二百二十四

甲午〔前327年〕周顯王四十二年。齊會魏攻韓之桑丘。

乙未〔前326年〕趙肅侯卒，子定繼，是謂武靈王。齊用孟軻爲上卿。

丙申〔前325年〕孟軻去齊。

丁酉〔前324年〕秦始稱王。齊宣王卒，子湣王地繼。秦築上郡塞。

戊戌〔前323年〕韓、燕稱王。楚破魏襄陵，八城，^①移兵攻齊。秦張儀會齊、楚，執政于齧桑。

己亥〔前322年〕秦張儀出相魏。燕、會韓、魏二君于區鼠。

庚子〔前321年〕周顯王崩，子定嗣位，是謂慎靚王。是年，趙始稱王。齊封田嬰于薛。盜殺蘇

秦于齊，蘇代復相燕。燕易王卒，^②子噲繼，子之專國。蘇代使齊。

① 「八」，四庫本作「入」。

② 四庫本無「易」字。

辛丑〔前320年〕宋伐楚，取地三百里，始稱王。秦、齊交婚。

壬寅〔前319年〕魏襄王卒，子哀王繼。張儀復相。^①

癸卯〔前318年〕楚會齊、趙、韓、魏、燕攻秦，不利，齊獨後。秦樗里疾大敗六國之師，獲將申差及韓、魏二公子。

甲辰〔前317年〕齊敗魏師于觀津，與秦爭雄雌。魯景公卒，子平公繼。秦敗韓師于濁澤，韓請割名都〔一以助伐楚，既而背之〕，^②秦又伐韓，敗韓師于岸門，楚救不至。燕王噲以國屬子之。

乙巳〔前316年〕齊伐燕。秦伐趙，拔中都及西陽。

丙午〔前315年〕周慎靚王崩，子延繼，是謂赧王，稱西周君。秦拔義渠二十五城，又取韓之石章。

丁未〔前314年〕楚、齊和親。燕亂，將市被攻子之不克，反攻世子，又不克，死。

戊申〔前313年〕楚攻秦，不利。秦伐齊，楚救不至。秦張儀給楚，^③樗里疾攻趙。

己酉〔前312年〕楚懷王大伐秦，不利，又伐，又不利。秦庶長魏章會齊、韓之師大敗楚師于藍田，

① 「相」後，四庫本有「秦」字。

② 「一以助伐楚既而背之」九字原脫，據四庫本補。

③ 「給」，四庫本作「結」。

又敗之于丹水之陽，獲其將屈丐，遂取漢中地，置黔中郡。韓宣王卒，世子蒼繼，是謂襄王。齊以五都兵攻燕。燕亂，國人立太子平，是謂昭王。

庚戌〔前311年〕楚屈原使齊。秦張儀使楚，會楚、齊、韓、趙、魏、燕六國西事秦，至咸陽而秦惠王卒，世子武王繼。^①燕起金臺，以禮郭隗，樂毅自魏往，^②鄒衍自齊至，劇辛自趙至。

辛亥〔前310年〕秦會魏于臨晉，張儀、魏章適魏，^③樗里疾、甘茂爲相。

壬子〔前309年〕楚合齊以善韓。

癸丑〔前308年〕秦武王會魏哀王于應，會韓襄王于臨晉。

甲寅〔前307年〕東、西二周君相攻。楚圍韓之雍氏。^④秦甘茂拔韓之宜陽，武王舉周鼎，絕臏而死，^⑤國人迎母弟稷于趙而立之，是謂昭襄王，太后臨朝稱制，魏冉專政。趙武靈王改用胡服。

乙卯〔前306年〕秦復韓武遂，嚴君疾、向壽爲相，甘茂適魏。

① 四庫本無「世」字。

② 「往」，四庫本作「至」。

③ 「魏」，四庫本作「衛」。

④ 「氏」，四庫本作「邱」。

⑤ 「臏」，四庫本作「脈」。

丙辰〔前305年〕楚絕齊以善秦。

丁巳〔前304年〕秦昭襄王會楚懷王于黃棘，^①復之上庸。

戊午〔前303年〕齊、韓、魏攻楚，楚求救于秦。魯平公卒，子文公賈繼。秦取韓武遂，拔魏蒲坂。秦取韓武遂，拔魏蒲坂。己未〔前302年〕秦復魏蒲坂，會韓于武遂。

庚申〔前301年〕楚伐秦，不利。秦昭襄王會齊、韓、魏伐楚，敗之于重丘。

辛酉〔前300年〕齊孟嘗君入秦爲質。

壬戌〔前299年〕楚懷王放大夫屈原于江濱，與秦昭襄王會于武關，不復，國人迎太子橫于齊而立之，是謂頃襄王，其弟子蘭爲令尹。齊歸秦涇陽君，孟嘗君自秦逃歸。秦會齊、魏伐楚，取八城。趙拔燕中山，攘地北至代，^②西至九原。^③

癸亥〔前298年〕齊會韓、魏伐秦，至于函谷。秦伐楚，取十六城。趙武靈王稱主父，會群臣于東宮，廢太子章而授庶子何位，^④是謂惠文王，以肥義爲之相。北略地，南入秦，稱使者。

經世之辰二千二百二十五

① 「秦昭襄王會楚懷王」，四庫本作「秦昭王與楚懷王會」。

② 「代」前，四庫本有「燕」字。

③ 「原」，四庫本作「源」。

④ 「位」，四庫本作「立」。

甲子〔前297年〕周赧王十八年。楚懷王于秦逃歸，不克。

乙丑〔前296年〕楚懷王死于秦，^①楚遂絕秦。魏哀王卒，子昭王繼。齊會韓、魏、趙、宋五國之兵攻秦，至鹽氏而還。秦與韓、魏河北及封陵以和。韓襄王卒，子釐王繼。趙主父滅中山，徙其王于膚施，封廢太子章于代，號安陽君，使田不禮爲之相。

丙寅〔前295年〕秦免樓緩相，穰侯魏冉復相，率師攻魏。趙安陽君及田不禮作難，^②公子成及大夫李兌平之，主父死于沙丘宮。

丁卯〔前294年〕秦向壽伐韓，拔武始。

戊辰〔前293年〕楚與秦復和。韓伐秦，不利。秦左庶長白起大敗韓及諸侯之師于伊闕，取城五，坑軍二十四萬，獲將公孫喜。

己巳〔前292年〕楚逆婦于秦。秦魏冉免相，大良造白起伐魏取垣，攻楚拔宛。

庚午〔前291年〕秦魏冉復相，封陶邑，司馬錯伐韓軹及鄧。

辛未〔前290年〕齊有田甲之難，免孟嘗君相。魏獻河東地方四百里入秦。韓獻武遂二百里入秦。趙會齊伐韓。

① 「死」，四庫本作「卒」。
② 四庫本無「田」字。

壬申〔前289年〕齊復孟嘗君相。秦伐韓，拔六十一城。

癸酉〔前288年〕齊、秦約稱東、西帝，復罷。

甲戌〔前287年〕齊孟嘗君謝病。①秦昭襄王巡漢中及上郡、河北，拔魏新垣及曲陽。

乙亥〔前286年〕齊滅宋，至于泗上，十二諸侯、鄒、魯之君皆稱臣，南取楚之淮北，西侵韓、趙、

魏。魏獻秦安邑，秦伐魏之河內，攻韓之夏山。

丙子〔前285年〕齊孟嘗君以薛屬魏。秦昭襄王會楚頃襄王于宛，會趙惠文王于中陽，伐齊拔九城。

丁丑〔前284年〕燕樂毅會秦、楚、韓、趙、魏五國之師伐齊，大敗齊師于濟西，遂入臨菑，拔城七十，拜樂毅上卿，封昌國君，留圍齊即墨及莒。齊潛王保莒。楚使淖齒救齊，殺齊潛王于莒。莒人立其子法章，是謂襄王。荀卿行祭酒。

戊寅〔前283年〕楚頃襄王會秦昭襄王于鄢。秦穰侯伐魏至于國。

己卯〔前282年〕秦昭襄王會韓釐王于新城，會魏昭王于新明，伐趙拔二城，伐韓取六邑。

庚辰〔前281年〕楚會魏、趙伐秦。秦伐楚，魏冉復相。趙使藺相如入秦獻璧。

辛巳〔前280年〕楚割上庸及漢中，請和于秦。秦白起拔趙二城，司馬錯拔楚上庸。燕昭王卒，

①「孟嘗君」，「君」原作「郡」，據四庫本改。